

UDHËZIM
Nr. 2, datë 13.1.2021

**PËR VENDOSJEN E RREGULLAVE TË HOLLËSISHME, NË LIDHJE ME
STANDEDET E MARKETIMIT DHE TË TREGTIMIT TË VEZËVE¹**

Në mbështetje të nenit 102, pika 4, të Kushtetutës, nenit 37, të ligjit nr. 9863, datë 28.1.2008, “Për ushqimin”, të ndryshuar; të ligjit nr. 10465, datë 29.9.2011, “Për shërbimin veterinar në Republikën e Shqipërisë”, të ndryshuar,

UDHËZOJ:

1. Për qëllim të këtij udhëzimi, termat e përcaktuar në pikën 4, seksioni I, në udhëzimin nr. 22, datë 25.11.2010, “Për kushtet e përgjithshme dhe të veçanta të higjienës për stabilimentet e ushqimit dhe operatorët e biznesit ushqimor”, dhe shkronjat “a”, “b”, “c”, “d” dhe “e”, pika 2, kapitulli I, i udhëzimit nr. 21, datë 25.11.2010, “Mbi kërkesat specifike të higjienës dhe kontrollet zyrtare për produktet me origjinë shtazore”, kanë të njëjtin kuptim dhe do të zbatohen sipas rastit.

Ndërsa, përkufizimet e mëposhtme kanë këto kuptime dhe do të zbatohen për qëllimin e këtij udhëzimi:

a) “paketë” do të thotë një mbështjellje që përmban vezë të klasave A ose B, duke përjashtuar paketimin e transportit dhe kontejnerët e vezëve industriale;

b) “shitje e lirë” do të thotë shitje me pakicë të vezëve deri te konsumatori përfundimtar, përveç atyre në pako;

c) “mbledhës” do të thotë çdo stabiliment i regjistruar në përputhje me seksionin IV, në udhëzimin nr. 22, datë 25.11.2010, “Për kushtet e përgjithshme dhe të veçanta të higjienës për stabilimentet e ushqimit dhe operatorët e biznesit ushqimor”, për mbledhjen e vezëve nga prodhues, për shpërndarjen në një qendër paketimi, në një treg shitjeje ekskluzivisht te tregtarët me shumicë, stabilimentet e të cilëve janë aprovuar si qendra paketimi ose në industrinë ushqimore ose joushqimore;

ç) “data e shitjes” do të thotë kufiri maksimal i kohës për shitjen e produktit vezë për konsumatorin përfundimtar, sipas shkronjës “c”, të pikës 1, të kapitullit II, të udhëzimit nr. 21 datë 25.11.2010, “Mbi kërkesat specifike të higjienës dhe kontrollet zyrtare për produktet me origjinë shtazore”;

d) “industri ushqimore” do të thotë çdo stabiliment që prodhon produkte të vezëve të destinuara për konsum njerëzor, duke përjashtuar furnizuesit e ushqimit social;

dh) “industri joushqimore” do të thotë çdo biznes që prodhon produkte që përmbajnë vezë jo të destinuara për konsum njerëzor;

e) “furnizues masiv” nënkupton çdo stabiliment (përfshirë një automjet ose një tezgë të lëvizshme apo të palëvizshme), si restorantet, mensat, shkollat, spitalet dhe stabilimentet e kateringut, ku gjatë ushtrimit të veprimtarisë së tyre të biznesit, ushqimi përgatitet për konsum nga konsumatori i fundit, sipas VKM-së nr. 434, datë 11.7.2018, “Për etiketimin e ushqimit dhe informimin e konsumatorit”;

ë) “vezë industriale” do të thotë vezë që nuk janë të destinuara për konsum njerëzor;

¹ Përafrim i pjesshëm i Rregullores së Komisionit (KE) nr. 589/2008, i 23 qershorit 2008, “Mbi vendosjen e rregullave të hollësishme për zbatimin e Rregullores së Këshillit (EC) nr. 1234/2007, në lidhje me standardet e marketingut për vezët”.

f) “parti vezësh” do të thotë vezë të paketuara ose jo nga i njëjti vend i prodhimit ose qendra e paketimit, e vendosur në një vend, me të njëjtën datë pjelljeje ose data e qëndrueshmërisë minimale ose data e paketimit, e njëjta mënyrë mbarështimi dhe, në rast të vezëve të klasifikuara, të njëjtin klasifikim të cilësisë dhe të peshës;

g) “ripaketim” do të thotë transferimi fizik i vezëve në një paketë tjetër ose shënjimi i ri i një pakete që përmban vezë;

gj) “vezë” do të thotë vezë me lëvore, përveç atyre të thyera, të inkubuara ose vezë të gatuar që prodhohen nga pulat e specieve Gallusgallus dhe janë të përshtatshme për konsum të drejtpërdrejtë nga njerëzit ose për përgatitjen e produkteve të vezëve;

h) “vezë të thyera” nënkupton vezët që tregojnë thyerje si të lëvozhgës ashtu edhe të membranës, duke rezultuar në ekspozimin e përmbajtjes së tyre;

i) “vezë të inkubuara” do të thotë vezë nga koha e futjes në inkubator e tutje;

j) “tregtim” do të thotë mbajtja e vezëve për qëllime të shitjes, përfshirë këtu oferta për shitje, magazinim, paketim, etiketim, dorëzim ose ndonjë formë tjetër e transferimit, me ose pa pagesë;

k) “operator” nënkupton një prodhues dhe çdo person tjetër fizik ose juridik i përfshirë në tregtimin e vezëve;

l) “vend prodhimi” do të thotë një stabiliment që mban pula pjellëse; regjistruar në përputhje me Vendimin nr. 538, datë 26.5.2009 “Për licencat dhe lejet që trajtohen nga apo nëpërmjet Qendrës Kombëtare të Licencimit (QKL) dhe disa rregullime të tjera nënligjore të përbashkëta”;

ll) “qendër paketimi” do të thotë një qendër paketimi brenda kuptimit të udhëzimit nr. 21, datë 25.11.2010, “Mbi kërkesat specifike të higjienës dhe kontrollet zyrtare për produktet me origjinë shtazore”, që është e autorizuar në përputhje me pikën 13 të këtij udhëzimi dhe ku vezët klasifikohen nga cilësia dhe pesha;

m) “konsumator i fundit” do të thotë konsumatori përfundimtar i një produkti ushqimor i cili nuk do të përdorë ushqimin si pjesë e ndonjë operacioni ose aktiviteti të biznesit ushqimor;

n) “kodi i prodhuesit” do të thotë numri dallues i prodhimit, sipas pikës 2, neni 19, të ligjit nr. 9863, datë 28.1.2008, “Për ushqimin”, të ndryshuar.

2. Vezët klasifikohen sipas cilësisë më poshtë:

a) vezët e klasës A ose të “freskëta” janë për konsum të drejtpërdrejtë nga njerëzit dhe për t’u përdorur në industritë ushqimore ose joushqimore;

b) vezët e klasës B dorëzohen vetëm në industrinë ushqimore, sipas kërkesave të pikave 2 dhe 10, pjesa A, Kapitulli II, të udhëzimit nr. 21, datë 25.11.2010, “Mbi kërkesat specifike të higjienës dhe kontrollet zyrtare për produktet me origjinë shtazore”.

3. Vezët e klasës A kanë karakteristikat cilësore të mëposhtme:

a) lëvozhga dhe kutikulë: formë normale, e pastër dhe e padëmtuar;

b) hapësira ajrore (dhoma e ajrit): lartësia jo më shumë se 6 mm, e palëvizshme; megjithatë, për vezët që tregtohen si “ekstra”, nuk mund të kalojë 4 mm;

c) e verdha e vezës: e dukshme në ndriçim vetëm si hije, pa kufi të qartë, të dukshme, pak e lëvizshme me kthimin e vezës dhe rikthehet në pozicion qendror;

ç) e bardhë: e qartë, e tejdukshme;

d) embrion: zhvillim i padukshëm;

dh) lëndë e huaj: nuk lejohet;

e) erë e huaj: nuk lejohet.

4. Vezët e klasës A nuk duhet të lahen ose pastrohen, para ose pas klasifikimit, përveç siç parashikohet në pikat 7 dhe 8 të këtij udhëzimi.

5. Vezët e klasës A nuk duhet të trajtohen për konservim (ruajtje) ose të ftohen në lokale ose ambiente ku temperatura ruhet artificialisht në më pak se 5°C. Sidoqoftë, vezët të cilat janë mbajtur në një temperaturë nën 5°C gjatë transportit për jo më shumë se 24 orë ose në ambientet e shitjes me pakicë ose në anekset e tyre për jo më shumë se 72 orë nuk do të konsiderohen të ftohura.

6. Vezët e klasës B janë vezë të cilat nuk plotësojnë karakteristikat e cilësisë të parashikuara në pikën 2 të këtij udhëzimi. Vezët e klasës A që nuk i kanë më ato karakteristika klasifikohen në klasën B.

7. Autoriteti kompetent autorizon qendrat e paketimit për të larë vezët, me kusht që ato qendra të funksionojnë në përputhje me udhëzuesin për sistemet e larjes së vezëve.

8. Autoriteti kompetent do të inkurajojë zhvillimin e udhëzuesve kombëtarë për praktikën e mira, për sistemet e larjes së vezëve nga operatorët e biznesit të ushqimit, në përputhje me kapitullin V, të udhëzimit nr. 22, datë 25.11.2010, “Për kushtet e përgjithshme dhe të veçanta të higjienës për stabilimentet e ushqimit dhe operatorët e biznesit ushqimor”.

9. Vezët e klasës A klasifikohen sipas peshës, si më poshtë:

- a) XL - shumë e madhe: pesha ≥ 73 g;
- b) L - e madhe: pesha ≥ 63 g dhe < 73 g;
- c) M - mesatare: pesha ≥ 53 g dhe < 63 g;
- ç) S - e vogël: pesha < 53 g.

10. Klasifikimi sipas peshës tregohet me shkronjat përkatëse ose termat, siç përcaktohet në paragrafin 1 ose nga një kombinim i të dyjave, të cilat mund të plotësohen me diapazonet përkatëse të peshës. Mund të përdoren indikacione të tjera shtesë, me kusht që indikacione të tilla nuk ka të ngjarë të gabohen për shkronjat ose termat e përcaktuara në paragrafin 1 dhe të jenë në përputhje me VKM-në nr. 434, datë 11.7.2018, “Për etiketimin e ushqimit dhe informimin e konsumatorit”.

11. Me përjashtim nga pika 9 e këtij udhëzimi, ku vezët e klasës A të madhësive të ndryshme paktohen së bashku në të njëjtën paketë, pesha minimale neto e vezëve duhet të jepet në gram dhe në sipërfaqen e jashtme të paketimit do të shfaqet shënimi “vezë me madhësi të ndryshme” ose terma ekuivalentë.

12. Vetëm qendrat e paketimit klasifikojnë dhe paketojnë vezët dhe i etiketojnë paketat e tyre. Vetëm stabilimentet që plotësojnë kushtet e përcaktuara në këtë udhëzim do të autorizohen si qendra paketimi.

13. Autoriteti kompetent do të autorizojë qendrat e paketimit për të klasifikuar vezët dhe do të caktojë një kod të qendrës së paketimit për çdo operator, mjediset dhe pajisjet teknike të të cilit janë të përshtatshme për klasifikimin e vezëve, sipas cilësisë dhe peshës. Asnjë pajisje e përshtatshme teknike për klasifikimin e vezëve sipas peshës nuk do të kërkohej për qendrat e paketimit që punojnë ekskluzivisht për industrinë ushqimore dhe joushqimore.

Autoriteti kompetent do t'i japë qendrës së paketimit një kod të qendrës së paketimit, sipas nenit 19, të ligjit nr. 9863, datë 21.1.2008, “Për ushqimin”, të ndryshuar.

14. Qendrat e paketimit duhet të kenë pajisjet teknike të nevojshme për të siguruar që vezët të trajtohen siç duhet. Kjo duhet të përfshijë sipas rastit:

- a) pajisje të përshtatshme për ndriçim, automatike ose me personel të vazhdueshëm gjatë gjithë kohës, në mënyrë që cilësia e secilës vezë të shqyrtohet veçmas, ose pajisje të tjera të përshtatshme;
- b) pajisjet për matjen e lartësisë së dhomës së ajrit;
- c) pajisjet për klasifikimin e vezëve sipas peshës;
- ç) një ose më shumë peshore të miratuara për peshimin e vezëve;
- d) pajisjet për shenjimin e vezëve.

15. Autorizimi i referuar në pikat 12 dhe 13 të këtij udhëzimi, mund të tërhiqet në çdo kohë nëse kushtet e parashikuara në këtë udhëzim nuk plotësohen më.

16. Vezët klasifikohen, shënohen dhe paketojnë brenda 10 ditëve nga çelja.

17. Vezët e tregtuara në përputhje me pikat 32 dhe 33 të këtij udhëzimi, do të klasifikohen, shënohen dhe paketojnë brenda katër ditëve nga çelja.

18. Data e qëndrueshmërisë minimale referuar në pikën 27, “d”, shënohet në kohën e paketimit në përputhje me shtojcën X, të vendimit nr. 434, datë 11.7.2018, “Për etiketimin e ushqimeve dhe informimin e konsumatorit”.

19. Pa paragjykuar nenin 25, të ligjit nr. 9863, datë 28.1.2008, “Për ushqimin”, të ndryshuar, në vendin e prodhimit, çdo paketim transporti që përmban vezë do të identifikohet nga prodhuesi, nga:

- a) emri dhe adresa e prodhuesit;
- b) kodi i prodhuesit;
- c) numri i vezëve dhe/ose pesha e tyre;
- ç) data ose periudha e pjelljes;
- d) data e dërgimit.

Në rastin e qendrave të paketimit të furnizuar me vezë të paketuara nga njësitë e tyre të prodhimit, të vendosura në të njëjtin vend, identifikimi në paketimin e transportit mund të bëhet në qendrën e paketimit.

20. Informacioni i përmendur në pikën 19 do të zbatohet në paketimin e transportit dhe do të përmbahet në dokumentet shoqëruese. Një kopje e këtyre dokumenteve do të mbahet nga çdo operator ndërhyrës, të cilit i janë dorëzuar vezët. Origjinalet e dokumenteve shoqëruese mbahen nga qendra e paketimit që klasifikon vezët.

Kur një pjesë e vezëve të marra nga një mbledhës ndahet për dorëzim në më shumë se një operator, dokumentet shoqëruese mund të zëvendësohen nga etiketat e përshtatshme të kontejnerëve të transportit, me kusht që këta të fundit të përfshijnë informacionin e përmendur në pikën 19.

21. Informacioni i referuar në pikën 19, i aplikuar në paketimin e transportit nuk do të modifikohet dhe do të mbetet në paketimin e transportit deri në heqjen e vezëve për klasifikim të shpejtë, shenjimin ose përpunimin e mëtejshëm.

22. Treguesi për vezët e klasës B, do të jetë një rreth me diametër të paktën 12 mm rreth shkronjës “B” e cila është të paktën 5 mm e lartë, ose një njollë lehtësisht e dukshme me ngjyra me diametër të paktën 5 mm.

23. Me përjashtim të rasteve kur parashikohet ndryshe nga legjislacioni në fuqi, autoriteti kompetent mund të përjashtojë operatorët nga detyrimet e shenjimit të parashikuara në pikën 22 të këtij udhëzimi, kur vezët dorëzohen drejtpërdrejt nga vendi i prodhimit në industrinë ushqimore.

24. Në rastet e përmendura në pikën 23:

a) operatori i biznesit ku është vendosur prodhimi duhet të informojë në mënyrë të përshtatshme autoritetin kompetent për heqjen e markës përpara se të bëhet çdo dërgesë;

b) kur përjashtimi ka të bëjë me një furnizues të vendosur në një vend të tretë, vezët do të dorëzohen në industri vetëm me kusht që destinacioni i tyre përfundimtar me qëllim të përpunimit, të kontrollohet nga autoritetet kompetente të vendit që jep përjashtimin;

c) dorëzimi do të jetë nën përgjegjësinë e plotë të operatorit të industrisë ushqimore, i cili në përputhje me rrethanat merr përsipër të përdorë vezët vetëm për përpunim.

25. Paketat që përmbajnë vezë të klasës A mbajnë në sipërfaqen e jashtme lehtësisht të dukshme dhe të lexueshëm qartë:

- a) kodin e qendrës së paketimit;

b) vlerësimin e cilësisë; paketat duhet të identifikohen nga fjalët “Klasa A” ose shkronja A, qoftë i vetëm ose në kombinim me fjalën “e freskët”;

c) klasifikimin e peshës në përputhje me pikën 10 të këtij udhëzimi;

ç) datën e qëndrueshmërisë minimale në përputhje me pikën 28 të këtij udhëzimi;

d) formulimi “vezë të lara” për vezët e lara, në përputhje me pikën 7 të këtij udhëzimi;

dh) kushtet specifike të magazinimit (ruajtjes), në përputhje me nenin 9, shkronjat “a” dhe “e”, të vendimit nr. 434, datë 11.7.2018, “Për etiketimin e ushqimeve dhe informimin e konsumatorit”, me një tregues që këshillon konsumatorët të mbajnë vezët e ftohta pas blerjes.

26. Përveç kërkesave të përcaktuara në pikën 23 të këtij udhëzimi, paketat që përmbajnë vezë të klasës A duhet të mbajnë në sipërfaqen e jashtme, lehtësisht të dukshëm dhe të lexueshëm qartë metodën e mbarështimit.

Për identifikimin e sistemit të prodhimit të vezëve përdoren vetëm termat e mëposhtëm:

a) për mënyrën konvencionale, kushtet e përcaktuara në pjesën A, të shtojcës I dhe vetëm nëse plotësohen kushtet përkatëse të përcaktuara në shtojcën II;

b) për prodhimin organik, kushtet e përcaktuara në ligjin nr. 106/2016, “Për prodhimin biologjik, etiketimin e produkteve biologjike dhe kontrollin e tyre”.

Kuptimi i kodit të prodhuesit duhet të shpjegohet mbi ose brenda paketimit. Kur pulat pjellëse mbahen në sistemet e prodhimit, në përputhje me kërkesat e përcaktuara në udhëzimin nr. 307, datë 4.7.2008, për miratimin e rregullores “Mbi përcaktimin e standardeve minimale për mbrojtjen e pulave pjellëse”, identifikimi i metodës së prodhimit mund të plotësohet me indikacionin e dhënë në pjesën B, të shtojcës I të këtij udhëzimi.

27. Paketat që përmbajnë vezë të klasës B duhet të mbajnë në sipërfaqen e jashtme informacionin lehtësisht të dukshëm dhe të lexueshëm qartë;

a) kodin e qendrës së paketimit;

b) vlerësimin e cilësisë; paketat identifikohen nga fjalët “Klasa “B” ose shkronja “B”;

c) datën e paketimit.

28. Data e qëndrueshmërisë minimale referuar në nenin 9, shkronja “a” dhe “b”, të vendimit nr. 434, datë 11.7.2018, “Për etiketimin e ushqimeve dhe informimin e konsumatorit”, do të përcaktohet jo më shumë se 28 ditë pas çeljes. Kur tregohet periudha e çeljes, data e qëndrueshmërisë minimale do të përcaktohet nga dita e parë e asaj periudhe.

29. Fjalët “ekstra” ose “ekstra të freskëta” mund të përdoren si një tregues cilësor shtesë në paketimet që përmbajnë vezë të klasës A deri në ditën e nëntë pas çeljes së vezëve.

30. Kur përdoren indikacionet e përmendura në pikën 29, data e çeljes dhe afati prej nëntë ditësh duhet të tregohet në paketim, në mënyrë të tillë që të jetë lehtësisht e dukshme dhe e lexueshme qartë.

31. Kur përdoret një tregues se si janë ushqyer pulat pjellëse do të zbatohen kërkesat minimale të mëposhtme:

a) mund të bëhet referencë për drithërat, si përbërës ushqimor vetëm aty ku ato përbëjnë të paktën 60% në peshë të formulës së ushqimit të dhënë, nga të cilat jo më shumë se 15% e nënprodukteve të drithërave mund të jenë pjesë e racionit;

b) pa paragjykuar minimumin e 60% të përmendur në pikën “a”, kur bëhet referencë për një drithë specifik, ajo do të llogarisë të paktën 30% të formulës së ushqimit të përdorur. Nëse referimi specifik bëhet për më shumë se një prej drithërave, secila do të përbëjë të paktën 5% të formulës së ushqimit.

32. Për shitjet e lira të vezëve (të pa paketuara), informacioni i mëposhtëm duhet të jepet në një mënyrë të tillë që të jetë lehtësisht e dukshme dhe e lexueshme qartë nga konsumatori:

a) vlerësimi i cilësisë;

b) klasifikimin e peshës në përputhje me pikat 9, 10 dhe 11 të këtij udhëzimi;
c) një tregues të metodës së prodhimit ekuivalente me atë të referuar në pikën 28 të këtij udhëzimi;

ç) një shpjegim të kuptimit të kodit të prodhuesit;

d) datën e qëndrueshmërisë minimale.

33. Pa paragjykuar kërkesat e përcaktuara në kapitullin X, të shtojcës II, të udhëzimit nr. 22, datë 25.11.2010, “Për kushtet e përgjithshme dhe të veçanta të higjienës për stabilimentet e ushqimit dhe operatorët e biznesit ushqimor”, paketimet duhet të jenë rezistente ndaj goditjeve, të thata, të pastra dhe në gjendje të rregullt dhe të jenë prej materialeve që mbrojnë vezët nga aroma e jashtme dhe rreziku i përkeqësimit të cilësisë, ato përdoren vetëm një herë.

34. Vezët industriale tregtohen në kontejnerë paketimi me një shirit të kuq ose etiketë.

Shiritat ose etiketat duhet të tregojnë:

a) emrin dhe adresën e operatorit për të cilin janë destinuar vezët;

b) emrin dhe adresën e operatorit që ka dërguar vezët;

c) fjalët “vezë industriale” me shkronja të mëdha, të larta 2 cm, dhe fjalët “të papërshtatshme për konsum njerëzor” me shkronja të paktën 8 mm të larta.

35. Vezët e paketuara të klasës A mund të ripaketohen vetëm nga qendrat e paketimit. Çdo paketë duhet të përmbajë vetëm vezë të një grupi të vetëm.

36. Prodhuesit duhet të regjistrojnë informacionin mbi metodat e prodhimit, duke specifikuar për secilën metodë të përdorur të fermës:

a) datën e vendosjes, moshën e vendosjes dhe numrin e pulave pjellëse;

b) datën e shkatërrimit dhe numrin e pulave të vrara;

c) prodhimin ditor të vezëve;

ç) numrin dhe/ose peshën e vezëve të shitura në ditë ose të dorëzuara çdo ditë me mjete të tjera;

d) emrat dhe adresat e blerësve.

37. Kur metoda e ushqimit tregohet në përputhje me pikën 31 të këtij udhëzimi, prodhuesit, pa paragjykuar kërkesat e përcaktuara në pjesën A, III. Regjistrimi i të dhënave, të shtojcës I, të udhëzimit nr. 22, datë 25.11.2010, “Për kushtet e përgjithshme dhe të veçanta të higjienës për stabilimentet e ushqimit dhe operatorët e biznesit ushqimor”, regjistrojnë informacionin e mëposhtëm, specifikuar për secilën metodë të të ushqyerit të përdorur:

a) sasia dhe lloji i ushqimit të furnizuar ose të përziera në vend;

b) datën e dorëzimit të ushqimit për kafshë.

38. Kur një prodhues përdor metoda të ndryshme mbarështimi në një vend të vetëm prodhimi, informacioni i referuar në pikat 36 dhe 37 të këtij udhëzimi do të ndahet sipas strehimit të pulave.

39. Për qëllimet e këtij neni, në vend që të mbajnë shënime të shitjeve dhe të dërgesave, prodhuesit mund të mbajnë dosje të faturave dhe shënimeve të dorëzimit të shënuara, siç tregohet në pikat 36 dhe 37 të këtij udhëzimi.

40. Mbledhësit regjistrojnë veçmas, sipas metodës së prodhimit dhe të ditës:

a) sasinë e vezëve të mbledhura, të ndara sipas prodhuesit, duke dhënë emrin, adresën dhe kodin e prodhuesit dhe datën ose periudhën e pjelljes;

b) sasinë e vezëve të dorëzuara në qendrat përkatëse të paketimit, të ndara sipas prodhuesit, duke dhënë emrin, adresën, kodin e qendrës së paketimit dhe datën ose periudhën e pjelljes.

41. Për qëllimet e këtij neni, në vend të mbajtjes së regjistrave të shitjeve dhe të dërgesave, mbledhësit mund të mbajnë dosjet e faturave dhe shënimeve të dorëzimit, siç tregohet në pikën 40 të këtij udhëzimi.

42. Qendrat e paketimit regjistrojnë veçmas, sipas metodës së prodhimit dhe të ditës:

a) sasi të marra të vezëve të paklasifikuara, të ndara sipas prodhuesit, duke dhënë emrin, adresën dhe kodin e prodhuesit dhe datën ose periudhën e pjelljes;

b) pasi vezët të jenë klasifikuar, sasi të sipas cilësisë dhe peshës;

c) sasi të vezëve të klasifikuara, që vijnë nga qendrat e tjera të paketimit, përfshirë kodin e atyre qendrave të paketimit dhe datën e qëndrueshmërisë minimale;

ç) sasi të vezëve të paklasifikuara të dërguara në qendrat e tjera të paketimit, të ndara sipas prodhuesit, përfshirë kodin e atyre qendrave të paketimit dhe datën ose periudhën e pjelljes;

d) numrin dhe/ose peshën e vezëve të dorëzuara, sipas cilësisë dhe peshës, datës së paketimit në rastin e vezëve të klasës B ose datës së qëndrueshmërisë minimale në rastin e vezëve të klasës A, dhe nga blerësi, me emrin dhe adresën e këtij të fundit. Qendrat e paketimit duhet të azhurnojnë të dhënat e tyre fizike të stokut, çdo javë.

43. Kur vezët e klasës A dhe paketat e tyre përmbajnë një tregues se si ushqehen pulat pjellëse, në përputhje me pikën 34 të këtij udhëzimi, qendrat e paketimit që përdorin indikacione të tilla duhet të mbajnë regjistra të veçantë në përputhje me pikën 45 të këtij udhëzimi.

44. Për qëllimet e këtij neni, në vend që të mbajnë shënime të shitjeve dhe të dërgesave, qendrat e paketimit mund të mbajnë dosjet e faturave dhe shënimet e dorëzimit të shënuara, siç tregohet në pikat 42 dhe 43 të këtij udhëzimi.

45. Regjistrimet dhe skedarët e përmendur në pikat 20 dhe 27–44 të këtij udhëzimi mbahen për të paktën 12 muaj nga data e krijimit të tyre.

46. Autoriteti kompetent kryen shërbime inspektimi për të kontrolluar pajtueshmërinë me këtë udhëzim.

47. Shërbimet e inspektimit të përmendura në pikën 46 të këtij udhëzimi do të kontrollojnë produktet e mbuluara nga ky udhëzim në faza të ndryshme të tregtimit, sipas rastit. Përveç marrjes së mostrave të rastësishme, kontrollet do të kryhen në bazë të analizës së riskut, duke marrë parasysh llojin dhe madhësinë e stabilimentit përkatës, si dhe të dhënat e kaluara të operatorit, në lidhje me pajtueshmërinë me standardet e tregtimit për vezët.

48. Për vezët e klasës A të importuara, kontrollet e parashikuara në pikën 47 të këtij udhëzimi do të bëhen në kohën e zhdoganimit dhe para lëshimit në qarkullim të lirë. Vezët e klasës B të importuara do të lejohen në qarkullim të lirë, vetëm pasi të kontrollohet në kohën e zhdoganimit, se destinacioni i tyre i fundit është industria e përpunimit.

49. Përveç marrjes së mostrave të rastësishme, operatorët do të inspektohen në një frekuencë që përcaktohet nga shërbimet e inspektimit në bazë të analizës së riskut, siç referohet në pikën 47 të këtij udhëzimi, duke marrë parasysh, të paktën:

a) rezultatet e kontroleve të mëparshme;

b) kompleksitetin e mënyrave të tregtimit të ndjekura për vezët;

c) shkallën e segmentimit në prodhimin ose ambientet e paketimit;

ç) sasinë e vezëve të prodhuara ose të paketuara;

d) çdo ndryshim thelbësor nga vitet e mëparshme në llojin e vezëve të prodhuara ose të përpunuara ose në metodën e tregtimit.

50. Inspektimet kryhen rregullisht dhe bëhen të paparalajmëruara. Të dhënat e përmendura në pikat 27–44 të këtij udhëzimi do të vihen në dispozicion në kërkesën e parë, për shërbimet e inspektimit.

51. Vendimet nga shërbimet e inspektimit pas inspektimeve të parashikuara në pikat 46–50 të këtij udhëzimi, që tregojnë mosrespektimin e këtij udhëzimi të merren vetëm për të gjithë tufën e vezëve që është kontrolluar.

52. Kur grupi i kontrolluar konstaton se subjekti i inspektimit nuk është në përputhje me këtë rregullore, shërbimi i inspektimit do të ndalojë tregtimin ose importimin e tufës së vezëve, përveç dhe derisa të tregohet prova se është bërë në përputhje me këtë udhëzim.

53. Shërbimi i inspektimit që ka bërë kontrollin do të verifikojë nëse tufa e vezëve e refuzuar është bërë ose po bëhet që të jetë në përputhje me këtë udhëzim.

54. Tolerancat e mëposhtme lejohen gjatë kontrollit në tufën e vezëve të klasës A:

a) në qendrën e paketimit, para dërgimit: 5% të vezëve me defekte cilësore;

b) në fazat e tjera të tregtimit: 7% e vezëve me defekte të cilësisë.

55. Për vezët e tregtuara si “ekstra” ose “ekstra të freskëta”, nuk lejohet asnjë tolerancë për lartësinë e dhomës së ajrit në kohën e paketimit ose importit.

56. Kur tufa e vezëve të kontrolluar përmban më pak se 180 vezë, përqindjet e referuara në pikën 57 të këtij udhëzimi do të dyfishohen.

57. Me përjashtim të rastit të parashikuar në pikën 11 të këtij udhëzimi, gjatë kontrollit në tufën e vezëve të klasës A, lejohet një tolerancë në lidhje me peshën për vezë. Tufat të tilla mund të përmbajnë jo më shumë se 10% të vezëve të klasave të peshës ngjitur me atë të shënuar në paketim, por jo më shumë se 5% të vezëve të klasës tjetër të peshës më të ulët.

58. Kur tufa e vezëve të kontrolluara përmban jo më pak se 180 vezë, përqindjet e referuara në pikën 60 të këtij udhëzimi, do të dyfishohen.

59. Lejohet një tolerancë prej 20% e vezëve me shenja që janë të palexueshme në kontrollimin e tufës së vezëve dhe paketimeve.

60. Vezët e paketuara dhe të destinuara për eksport mund të bëhen në përputhje me kërkesat e ndryshme nga ato të përcaktuara në këtë urdhër, në lidhje me cilësinë, markimin dhe etiketimin ose me kërkesa shtesë.

61. Vezët e importuara plotësojnë kërkesat e këtij udhëzimi dhe të ligjit nr. 9863, datë 28.1.2008, “Për ushqimin”, të ndryshuar dhe akteve të tjera nënligjore në fuqi.

62. Vezët e importuara duhet të shënohen qartë dhe lexueshëm në vendin e origjinës me kodin ISO 3166. Kur nuk ka garanci të mjaftueshme për ekuivalencën e rregullave, pako që përmbajnë vezë të importuara nga vendet e treta do të kenë në sipërfaqen e jashtme në mënyrë të dukshme dhe të lexueshme qartë:

a) vendin e origjinës;

b) metoda e prodhimit si “standard jo i BE-së”.

63. Rregullorja nr. 1, datë 25.5.2005, “Mbi mënyrat e zbatimit CEE nr. 1907/90, të Këshillit, për normat e tregtimit të zbatueshme për vezët” dhe rregullorja nr. 2, datë 25.5.2005, “Mbi disa norma të tregtimit të vezëve”, shfuqizohen.

64. Për zbatimin e këtij udhëzimi, ngarkohen Drejtoria e Përgjithshme Rregullatore dhe e Përputhshmërisë në Bujqësi, Ushqim dhe Zhvillim Rural, Autoriteti Kombëtar i Ushqimit dhe agjencitë rajonale të veterinarisë dhe mbrojtjes së bimëve.

Udhëzimi hyn në fuqi 21 ditë pas botimit në Fletoren Zyrtare.

MINISTËR I BUJQËSISË DHE ZHVILLIMIT RURAL
Milva Ekonomi

SHTOJCA I
PJESA A

Kërkesat e referuara në pikën 28(a), “Vezë nga pula të lira”, “Vezë stalle”, “Vezë nga pula kafazi”.

PJESA B

Kërkesat e referuara në pikën 29(a), “Vezë të pasuruara”.

SHTOJCA II

KËRKESAT MINIMALE PËR SISTEMET E PRODHIMIT PËR METODAT E NDRYSHME TË PRODHIMIT TË VEZËVE

1. Vezët nga pula të lirë “duhet të prodhohen në sistemet e prodhimit që plotësojnë të paktën kushtet e specifikuar në udhëzimin nr. 307, datë 4.7.2008, “Për miratimin e rregullores ‘Mbi përcaktimin e standardeve minimale për mbrojtjen e pulave pjellëse’”.

Në veçanti, duhet të plotësohen kushtet e mëposhtme:

a) pulat duhet të kenë qasje të vazhdueshme gjatë ditës në lëvizje në ajër të hapur. Megjithatë, kjo kërkesë nuk e ndalon një prodhues të kufizojë hyrjen për një periudhë të kufizuar kohore në orët e mëngjesit, në përputhje me praktikën e zakonshme të mirë të bujqësisë, duke përfshirë praktikën e mirë të blegtorisë. Nëse masat e miratuara sipas legjislacionit në fuqi kërkojnë që të kufizohet lëvizja e pulave në vrapime në ajër të hapur për të mbrojtur shëndetin e publikut ose të kafshëve, vezët mund të tregtohen si “vezë nga pula të lira”, pavarësisht nga ky kufizim, me kusht që pulat pjellëse të mos kenë pasur akses në lëvizjet në ajër të hapur për një periudhë të vazhdueshme prej më shumë se 16 javësh. Kjo periudhë maksimale do të fillojë nga data në të cilën grupi i pulave në fjalë, të vendosura në të njëjtën kohë, në të vërtetë kishin qasje të kufizuar në lëvizjet në ajër të hapur;

b) vrapimet në ajër të hapur ku pulat kanë qasje duhet të mbulohen kryesisht me bimësi dhe të mos përdoren për qëllime të tjera përveç pemishteve, pyjeve dhe kullotjeve të bagëtive nëse kjo e fundit është e autorizuar nga autoritetet kompetente;

c) dendësia maksimale e stokut të lëvizjeve në ajër të hapur nuk duhet të jetë më e madhe se 2500 pula për hektar tokë në dispozicion të pulave ose një pule për 4 m² gjatë gjithë kohës. Sidoqoftë, kur të paktën 10 m² për pulë është në dispozicion dhe kur rotacioni praktikohet dhe pulave u jepet mundësia e hyrjes në të gjithë zonën gjatë jetës së tufës, secila hapësirë e përdorur duhet në çdo kohë të sigurojë të paktën 2.5 m² për pulë;

ç) drejtimet në ajër të hapur nuk duhet të shtrihen përtej një rreze prej 150 m nga hyrja më e afërt e ndërtesës. Sidoqoftë, një zgjatje deri në 350 m nga hyrja më e afërt e ndërtesës është e lejueshme, me kusht që një numër i mjaftueshëm strehëzash shpërndahen në mënyrë të barabartë në të gjithë hapësirën në ajër të hapur me të paktën katër strehimore për hektar.

2. “Vezët e hambarit” duhet të prodhohen në sisteme prodhimi, të cilat plotësojnë të paktën kushtet e specifikuar në udhëzimin nr. 307, datë 4.7.2008, “Për miratimin e rregullores ‘Mbi përcaktimin e standardeve minimale për mbrojtjen e pulave pjellëse’”.

3. “Vezët nga pulat e kafazit” duhet të prodhohen në sistemet e prodhimit që plotësojnë të paktën kushtet e specifikuar në udhëzimin nr. 307, datë 4.7.2008, “Për miratimin e rregullores ‘Mbi përcaktimin e standardeve minimale për mbrojtjen e pulave pjellëse’”.

4. Autoriteti kompetent mund të autorizojë përjashtime nga pikat 1 dhe 2 të kësaj shtojce, për stabiliment, me më pak se 350 pula pjellëse ose pula mbarështimi të rritjes, për sa u përket detyrimeve të përmendura në udhëzimin nr. 307, datë 4.7.2008, “Për miratimin e rregullores ‘Mbi përcaktimin e standardeve minimale për mbrojtjen e pulave pjellëse’”.

